

Communicaziun a las medias dals 16 da december 2024

La BCG lantscha dus novs fonds d'investiziun

Cun ils fonds «Climate Leaders Global Equities» e «Staatsanleihen Welt ESG» ha la Banca Chantunala Grischuna (BCG) lantschà il december 2024 dus novs products d'investiziun. Il fond d'investiziun en aczias Climate Leaders fa part da la visiun d'in svilup persistent e rinforza il posiziunament da la banca sco purschida da fonds che han in connex cun la persistenza.

Dapi l'onn 2020 èn tut ils agens fonds da la BCG products d'investiziun che han in connex cun la persistenza. Cun lantschar ils dus novs fonds amplifitgescha la BCG sia paletta da soluziuns d'investiziun administradas a moda activa.

Il fond d'investiziun en aczias «Climate Leaders Global Equities»

Il fond Climate Leaders prevesa d'augmentar il chapital a lunga vista cun investir en interpresas innovativas d'alta qualitat ch'èn ablas da realisar en lur bransch las finamiras per il clima. L'idea è da promover in'conomia che producescha paucas emissiuns da carbon per l'entira chadaina da valorisaziun. «Mintga sector è da gronda impurtanza per cuntanscher in'conomia globala verda. Interpresas che realiseschan mesiras positivas per il clima e che han ina posiziun predominanta entaifer lur bransch vegnan ad avair a lunga vista dapli success che lur concurrentas», di Daniel King-Robinson, manader da las investiziuns tematicas da la BCG. [Ulteriuras infurmaziuns davart il fond.](#)

Il fond d'obligaziuns «Staatsanleihen Welt ESG»

La finamira dal nov fond en emprests statals è da participar al svilup da las valurs dals martgads d'obligaziuns. Il fond d'obligaziuns persistent investescha a moda fitg diversifitgada ed activa en emprests statals globals selecziunads. Cun sias qualitads defensivas èn emprests in element impurtant en in portfolio d'investiziuns maschadà. [Ulteriuras infurmaziuns davart il fond.](#)

Il center d'investiziuns da la BCG determinescha la strategia d'investiziun actuala. Passa 40 spezialistas cumpetentas e spezialists cumpetents observan ed analiseschan ils eveniments als martgads da finanzas globals, administreschan la facultad da la clientella en il rom da mandats respectivs e fonds ed evalueschan svilups dal martgà e trends.

Contact:

Thomas Müller, thom.mueller@gkb.ch, telefon +41 81 256 83 11

Bernhard Kobel, bernhard.kobel@gkb.ch, telefon +41 81 256 88 01

Banca Chantunala Grischuna, chascha postala, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadada al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias puschidas per lavur voluntara.

La BCG dispona da participaziuns da maioritad a la Banca privata Bellerive AG, a l'Albin Kistler AG ed a la BZ Bank Aktiengesellschaft. Il scrit da participaziun BCG è quotà a la bursa dapi il 1985.

Termins:

Quint annual 2024: 14 da favrer 2025

Radunanza da las participantas e dals participants: 22 da mars 2025